

tum abusum ex circumstantiis in morali rerum æstimatione, juxta regulas divini & humani juris examinare norunt, de ausu hoc meo mitius judicaturos esse, confido. Non enim sine lege & ratione quidquam impium in piis causis audacter dixi. Si tamen, id quod non negarim, aliquando erraverim, benevolos & æquos lectores rogo, veniam lapso benigne indulgeant, meque in hac diffusa, & sæpe intricata materia hæsitantem melius edocere dignentur. Non enim per ætatem illam ingenii pertinaciam induxi, ut rectius judicantium doctorum sententias oppugnare audeam. Quin potius opto & precor ab aliis subactioris judicii JCtis meliora & solidiora subinde ediscere. Quod si ergo hisce προλεγομένοις in vastissimo piarum causarum absolvendo studio, B. L., faveas, novum ad continuationem arduæ materiæ & justo aliquando opere exponendæ calcar addes. Vale!  
Dab. Lipsiæ, MDCCX. IX. Sept,

INDEX